

que Platonis admiratorem, qui haud ignoret,
 quam deprauati eius dialogi ad nostram aetatem
 peruerent, in huius doloris societatem ventu-
 rum existimo) eum, cum aliis negotiis, tum se-
 nectute ingruente, impediri, quominus inchoa-
 tam Platonis editionem continuare, continuatam-
 que absoluere, possit, aut certe id ab eius filio vni-
 co, Erdmanno Frider. Rudolpho, non potuisse
 fieri, quem non tam sperabam, quam confidebam,
 vestigia parentis esse persequuturum: sed eheu!
 mors eius immatura parentes priuauit, ante hos
 sex annos, optimo filio, et me discipulo, quo
 melior mihi contingere non poterat, nemini pietate
 in deum, omnis virtutis studio, discendi cupidi-
 tate, modestia, et humanitate, cedente. Ut ve-
 ro e deverticulo, in quod delatus sum, ad propo-
 situm redeam, Codices illi sunt, cum Codex Au-
 gustanus, tum Meermannianus, de quorum indole,
 atque natura, Vir ille modo a me laudatus accu-
 rate, vt facere solet, exposuit in Notitia Codd.
 MSS. Platonis editioni tertiae quatuor priorum
 Dialogorum Platonis praemissa, p. 199 et p. 201,
 et in Praefatione p. V. Horum Codicum ope mul-
 ta in Gorgia mutaui: an prospere opera illa mihi
 cesserit, aliorum permitto iudicio. Sic S. 1. mu-
 taui, suadentibus his Codicibus, ἡμῖν in ὑμῖν. S. 2.
 et SS. 23. 50. 71. Δηλονότι in Δῆλον ὅτι. S. 3. in
 verbis ἀλλὰ πολὺ ἀν ἥδιον σὺ μataui σὺ in σὲ. S. 9.

* §

" in